

**NAMIBIA SENIOR SECONDARY CERTIFICATE**

**FIRST LANGUAGE OSHIKWANYAMA HIGHER LEVEL 8304/3**

PAPER 3 Literature

2 hours 30 minutes

Marks 60

**2020**

Additional Materials: Answer Book

**INSTRUCTIONS AND INFORMATION TO CANDIDATES**

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

**OMALOMBWELO NOMAUYELELE KOVAHONGWA**

- Nyola omanyamukulo oye mEmbo lOmanyamukulo olo wa pewa.
- Nyola Onomola yOsenda, Onomola yEkonakono nEdina loye kEmbo loye lOmanyamukulo.
- Nyola nopena imbulau ile ilaula.
- Ino longifa okadimifo komeva.
- Nyamukula omapulo **atatu**, **limwe** okudja mEtukulwa la-A l**Outevo**, **likwao** okudja mEtukulwa la-B l**Eeprosa nalikwao** otali di mEtukulwa la-C l**Eedrama**.
- Kotokela esipelo loitya, elongifonawa loileshifo netungo lomatumbulo.
- Omwaalu waitwa owa yandjwa moikondekifombine [ ] konima yepulo keshe ile yoshitukulwa shepulo.

This document consists of **7** printed pages and **1** blank page.



Republic of Namibia

**MINISTRY OF EDUCATION, ARTS AND CULTURE**

**ETUKULWA A: OUTEVO**

Metukulwa omu hoolola mo epulo **limwe** alike.

- 1 Lesha okatevo aka ka kufwa m**Omatevelo 4** ku **A. L. Nghifikua**, ndele to nyamukula omapulo aeshe.

**Tu kwafa nolulyo lwoye**

Tu kwafa Kalunga tate tu kwafa  
 Omitima detu di alula mohole yeliko  
 Opo tuha hangike hatu li diladila  
 Ngeenge twa hangika ombaadilila  
 Tu kwafa nolulyo lwoye Kalunga ketu.

Nge ovatondi vetu tava londoloka metuwa  
 Tava tondoka ngokafudaela  
 Opo ve litilaele momaumbo etu  
 Va tinhe po omaliko etu va ye nao  
 Tu kwafa nolulyo lwoye Kalunga ketu.

Otava tumbu va humbata komapepe  
 Va ye nayo ngomapolodi poshipale shoilya  
 Va ka longife ngaashi oinima yavo vene  
 Moku shi ninga kave na ko naave Kalunga  
 Tu kwafa nolulyo lwoye Kalunga ketu.

Ohava xwike po omaumbo etu  
 Ongomunahambo ta xwike epeya  
 Eedalate otava tete nokuhayavala  
 Ovanailonga tuu shili vehe na ko  
 Tu kwafa nolulyo lwoye Kalunga ketu.

Ovanhu ova twalwa oku inava hala  
 Va hondavaama meengoya va tila  
 Omungome wavo va fiya po kave na sha  
 Ovashitwa vakwao va ninga oilyani kuvo  
 Tu kwafa nolulyo lwoye Kalunga ketu.

Onghalo yoshiponga oye tu endja ko  
 Oita i tu li pombada ndee nopedu  
 Eedila ohadi ya momikunda detu  
 Oimuna yetu ohai yashwa ngeeholongo  
 Tu kwafa nolulyo lwoye Kalunga ketu.

Omitima detu oda loloka ketilo  
 Eemwenyo detu oda lala koumbada  
 Omesho etu otaa lyaameme pombada  
 Kwoove Kalunga oku haku di ekwafo  
 Tu kwafa nolulyo lwoye Kalunga ketu.

Otwa hala efimbo u li fikife  
 Pamwe edidiliko etimulongo la fika nee  
 Eli la ningile oshitokolifo koshiwana shoye  
 Opo ava tava ka fika ko va ka yolele ketayoo  
 Tu kwafa nolulyo lwoye Kalunga ketu.

(TABITA DANIEL, Novemba 1985)

- (a) Eendululo loshitya “Kalunga” otali kwafele ngahelipi omuleshi a ude ko elityo lokatevo aka? Shi koleka. [2]
- (b) Omutevi okwa ulika nawa ngahelipi kutya okwa li a kenyanana mokatevo aka? Shi holola noitwa **ivali** ndele to shi koleke. [4]
- (c) Omutevi okwa longifa ngahelipi elaka, opo a ete pouyelele etumwalaka lokatevo kaye? Yandja oitwa **ivali** ndele to shi koleke. [4]
- (d) Omutevi okwe tu yelifila ngahelipi onghalo omo mwa li ovakwashiwana mokatevo aka? Yandja oitwa **itatu** ndele to i koleke. [6]
- (e) Omutevi okwa hololela shike ovareshi kombinga yekwatafano olo la li pokati kaye novanyandi vamwe mokatevo aka? Yandja oitwa **ivali** ndele to yandje yo omatomheno. [4]

[20]

ILE

- 2 Lesha okatevo aka ka dja m**Oifala Noikuko** ku**Julia Nghishiilenhapo**, ndele to nyamukula epulo la pulwa.

### **Domupolo**

Nangula tau w' ongobe,  
 Tau w' omatemo omulongo,  
 Namene ke mu kundeni,  
 Hamuteta ko oolungada,  
 Namushela wokeengula,  
 Ongula ya nyenga Mupolo,  
 Wanangobe ye mu anyena.

Namene ohe i pondola,  
 Eemhata ka tal' oshinhenga,  
 A twaalela nomekove,  
 Eengubu nadi ehenifwe ko,  
 Nadi twal' omuhelo kokule,  
 Etemo laNamene ihali lelwa,  
 Ekuku laNangula ihali kotalwa.

Nangula ka duk' eteta,  
 Ka ekela sh' oikamasha,  
 Ke ke lihakane koshinhenga,  
 Ke shi tife ko koluheke,  
 Oko ko taka dwafula,  
 Omutete mongudu yovalimi,  
 Ka ning' omuhelo moshinhenga.

Moimhungu iha tila mo,  
 Iha xulil' ondjilakati,  
 Monduda okwe lipweya mo,  
 Okwa enda po ta lefuka,  
 A pitila povanhu vamwe,  
 A hanga tava henyanga,  
 Ovanhu tava helele.

Okwa shikula Naufiku,  
 WaKaongo naHandjaba,  
 Woshileda e mu teta ko,  
 Nashityani e mu koyelela,  
 Ha ende nefimbo laye,  
 Namene a endelega,  
 A enda pamwe nonghanga.

Onghanga ohai had' ongula,  
Omutenya tai ka omba,  
Namene te likupaula nepya,  
Endjangamundilo li li moinhenga,  
Tali kokolo' omwoolo,  
Tali umb' omupini wetemo,  
Omwaamba apeshe opo.

Pamadiladilo oye, etumwalaka lilipipo omutevi a hala okuyandja kovalessi mokatevo aka, nokwa longifa ngahelipi elaka opo e li yelife nawa? Koleka enyamukulo loye noitwa ya dja mokatevo aka.

Shi ninga noitya **350 – 500**.

**[20]**

**ETUKULWA B: EEPROSA**

Metukulwa omu hoolola mo epulo **limwe** alike tali di m**Olupafu la twa eisho** ku **P. N. Hamutenya** ile mu**Wanashipolo a ya nomwenyo mofuka** ku **T. N. Shakujungua**.

**3 Olupafu la twa eisho ku P.N. Hamutenya**

Pamadiladilo oye, omushangi okwa longifa ngahelipi omunyandi Kristine mehokololo eli **Olupafu la twa eisho**, opo a holole kutya oku na enwefemo liwa? Koleka enyamukulo loye.

Shi ninga noitya **350 – 500**.

**[20]**

**ILE****4 Wanashipolo a ya nomwenyo mofuka ku T.N. Shakujungua**

Omushangi wokambo aka **Wanashipolo a ya nomwenyo mofuka** okwa longifa ngahelipi oikwamufyuululwakalo opo a ulike kutya Kalambi ohamutwe-mukukutu? Koleka enyamukulo loye.

Shi ninga noitya **350 – 500**.

**[20]**

**ETUKULWA C: EEDRAMA**

Metukulwa omu hoolola mo epulo **limwe** alike tali di m**Omapumhumu taa yolele oulipamwe** ku **V. Munyika** ile mu**Mushakati waNelao** ku **E. T. Ndadi**.

**5 Omapumhumu taa yolele oulipamwe ku V. Munyika**

Yelifa nhumbi omushangi a longifa oukwatya womalihumbato aLusia, opo a hongaiife ovaleshi ve mu tonde.

Shi ninga noitya **350 – 500**.

**[20]**

**ILE****6 Mushakati waNelao ku E.T. Ndadi**

Omushangi wokambo **Mushakati waNelao** okwa holola ngahelipi elunduluko moukwatya nomomalihumbato aMushakati mokambo aka? Koleka enyamukulo loye.

Shi ninga noitya **350 – 500**.

**[20]**

**BLANK PAGE**

